

ზოგადსაგანმანათლებლო დაწესებულებაში VI ან/და IX კლასელთათვის ტესტირების ჩატარების მომსახურების სახელმწიფო შესყიდვის შესახებ

ქ. თბილისი

1 ივნისი 2015 წ.

1. გამოყენებული ტერმინების განმარტებები

- 1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:
- 1.1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და მოლაპარაკების შედეგად შერჩეულ პირს შორის დადებული ხელშეკრულება, რომელიც ხელმოწერილია მხარეთა მიერ, მასზე დართული ყველა დოკუმენტით და დამატებით, ასევე მთელი დოკუმენტაციით, რომლებზეც ხელშეკრულებაში არის მინიშნებული.
- 1.1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის.
- 1.1.3 „შემსყიდველი ორგანიზაცია“ (შემდგომში - „შემსყიდველი“) - ორგანიზაცია (დაწესებულება), რომელიც ახორციელებს შესყიდვას.
- 1.1.4 „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე, უწევს მომსახურებას მოცემული ხელშეკრულების ფარგლებში.
- 1.1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების მხარეები

2.1. ერთი მხრივ, ზოგადსაგანმანათლებლო დაწესებულება სსიპ - ნინოწმინდის მონიჭებული სოფელ სკასოვჯის აშ საჯარო სკოლა წარმოდგენილი დირექტორის აიდა ჩახოიანი სახით (შემდგომში - „შემსყიდველი“) და მეორე მხრივ, საჯარო სამართლის იურიდიული პირი - შეფასებისა და გამოცდების ეროვნული ცენტრი (შემდგომში - „მიმწოდებელი“), წარმოდგენილი მისი დირექტორის მაია მიმინოშვილის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

3. ხელშეკრულების საგანი

3.1. ხელშეკრულების საგანს წარმოადგენს ზოგადსაგანმანათლებლო დაწესებულებაში VI ან/და IX კლასელთათვის ტესტირების ჩატარების მიზნით, ტესტური დავალებების შემუშავება და გამოცდების ორგანიზება-ჩატარების მომსახურების (CPV-80200000) შესყიდვა, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტის, „საქართველოს განათლებისა და მეცნიერების სამინისტროსა და მის მმართველობის სფეროში მოქმედი საჯარო სამართლის იურიდიული პირების მიერ ერთმანეთისთვის გაწეული მომსახურების სახელმწიფო შესყიდვის გამარტივებული შესყიდვის განხორციელების შესახებ“ საქართველოს მთავრობის 2014 წლის 16 იანვრის №55 განკარგულების შესაბამისად.

4. მომსახურების ოდენობა, სახეობა და მიწოდების პირობები

4.1 „მიმწოდებელი“ საკუთარი ინტელექტუალური და მატერიალური რესურსებით უზრუნველყოფს „შემსყიდველისათვის“ შემდეგი მომსახურების გაწევას:

4.1.1. VI კლასის მოსწავლეთათვის ტესტური დავალებების შემუშავებას:

- ქართულ ენასა და ლიტერატურაში;
- ქართული ენა - როგორც მეორე ენა;
- მათემატიკაში;
- ინგლისურ ენაში.

4.1.2. IX კლასის მოსწავლეთათვის ტესტური დავალებების შემუშავებას:

- ქართული ენასა და ლიტერატურაში;
- ქართული ენა - როგორც მეორე ენა;
- მათემატიკაში;
- ქიმიაში;
- ფიზიკაში;
- ბიოლოგიაში;
- გეოგრაფიაში;
- ისტორიაში;
- ინგლისურ ენაში;
- გერმანულ ენაში;
- რუსული ენაში;
- ფრანგულ ენაში;
- სახვით და გამოყენებით ხელოვნებაში.

4.1.2. გამოცდის ჩატარებას ამ ხელშეკრულების დანართის შესაბამისად, რომელიც წარმოადგენს ხელშეკრულების განუყოფელ ნაწილს.

4.2. მომსახურება მიწოდებულ უნდა იქნას ელექტრონულად, სპეციალური პროგრამის გამოყენებით.

4.3. შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

5. ხელშეკრულების ღირებულება

5.1 ხელშეკრულების 4.1. პუნქტით გათვალისწინებული მომსახურების გაწევის ჯამური ღირებულება შეადგენს 4 (ოთხი) ლარს დღგ-ს ჩათვლით.

5.2 თანხის გამოანგარიშებისას გათვალისწინებულია შემდეგი მაჩვენებლები:

- ა) ერთ გამოცდაში რეგისტრირებული მოსწავლის მონაწილეობის გადასახდელი თანხა – 2 ორი) ლარი;
- ბ) გამოცდაში რეგისტრირებულ პირთა რაოდენობა;
- გ) გამოცდების (საგნების) რაოდენობა.

5.3 იმ პირთა რაოდენობა, რომელთაც უნდა ჩაუტარდეთ გამოცდები, განისაზღვრება „შემსყიდველის“ მიერ „მიმწოდებლისათვის“ ოფიციალურ ვებგვერდზე განთავსებული სპეციალური პროგრამის მეშვეობით დარეგისტრირებულ მოსწავლეთა შესაბამისად.

6. ანგარიშსწორების ფორმა და ვადები

6.1. „მიმწოდებელთან“ ანგარიშსწორება ხორციელდება უნაღლო ანგარიშსწორებით ეროვნულ ვალუტაში, ფაქტიურად გაწეული მომსახურების შესაბამისად.

6.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი.

6.3 „მიმწოდებელი“ ფაქტობრივად გაწეული მომსახურების თაობაზე „შემსყიდველთან“ ადგენს მიღება-ჩაბარების აქტს, რის საფუძველზეც „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

6.4 „მიმწოდებელთან“ ანგარიშსწორება ხორციელდება მიღება-ჩაბარების აქტის გაფორმებიდან 5 სამუშაო დღის ვადაში.

7. შესყიდვის ობიექტის მიღება-ჩაბარების წესი

7.1 „შემსყიდველი“ გაწეული მომსახურების თაობაზე „მიმწოდებელთან“ მომსახურების მიწოდებიდან 5 დღის ვადაში ადგენს მიღება-ჩაბარების აქტს.

7.2 შესყიდვის ობიექტის მიწოდებად ჩითვლება მიღება-ჩაბარების აქტის საფუძველზე „შემსყიდველი“-ს მიერ იმ მომსახურების მიღება, რომელიც უნდა მიაწოდოს „მიმწოდებელმა“ ამ ხელშეკრულებით გათვალისწინებული პირობებითა და წესით.

8. მხარეთა უფლებები

8.1. „მიმწოდებელს“ უფლება აქვს:

8.1.1. მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

8.2 „შემსყიდველს“ უფლება აქვს:

8.2.1. მოითხოვოს მომსახურების მიწოდება ხელშეკრულებით გათვალისწინებულ ვადაში და პირობებით;

8.2.2. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

8.2.3 მოითხოვოს მიმწოდებლისაგან ტესტირების პროცესთან დაკავშირებული ინფორმაცია.

9. მხარეთა ვალდებულებები

9.1. „მიმწოდებელი“ ვალდებულია:

9.1.1 დროულად და ხარისხიანად შეასრულოს ხელშეკრულების მე-4 მუხლით განსაზღვრული პირობები;

9.1.3 დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9.2. „შემსყიდველი“ ვალდებულია:

- 9.2.1. უზრუნველყოს „მიმწოდებლისათვის“ თანხის გადახდა მიღება-ჩაბარების აქტის გაფორმებიდან 5 სამუშაო დღის განმავლობაში.
- 9.2.2. უზრუნველყოს კომპიუტერების შესაბამისი რაოდენობა, კერძოდ, თითოეული საგნის ტესტირებისთვის რეგისტრირებულ მოსწავლეთა საერთო რაოდენობის არანაკლებ 1/4;
- 9.2.3. უზრუნველყოს უწყვეტი დენის მიწოდება და გამოცდისთვის შესაბამისი პირობების განხორციელება;
- 9.2.4. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

10. ფორს-მაჟორი

- 10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შესრულებლობა ან დარღვევა და არ გამოიწვევს საჯარიმო სანქციების გამოყენებას.
- 10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, „შემსყიდველის“ საბიუჯეტო ასიგნების მკვეთრი შემცირებით და სხვა.
- 10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. ასეთ შემთხვევაში ხელშეკრულება შეწყდება და მხარეები თავისუფლდებიან ნაკისრი ვალდებულებებისაგან.

11. ხელშეკრულების პირობების და ღირებულების გადასინჯვა

- 11.1. თუ წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 11.2. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ღირებულების გაზრდას ან შემსყიდველისათვის ხელშეკრულების პირობების გაუარესებას, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 11.3. საქართველოს სამოქალაქო კოდექსით 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 11.4. ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

12. სადავო საკითხების გადაწყვეტა

- 12.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დაეა, წარმოქმნილი მათ შორის ხელშეკრულების ან მასთან დაკავშირებული სხვა გარემოების ირგვლივ.

12.2. თუ შემსყიდველი და მიმწოდებელი ვერ შეძლებენ 10 დღის ვადაში სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგინილი წესის მიხედვით მიმართოს საქართველოს საერთო სასამართლოს.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 5 დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

14. მხარეთა მიერ ვალდებულებების შეუსრულებლობა

14.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (ამ ხელშეკრულებით გათვალისწინებულ ვადებში) შემთხვევაში მხარეებს ეკისრებათ პირგასამტეხლო ხელშეკრულების ღირებულების 0,07%-ის ოდენობით ყოველ ვადაგადაცილებულ დღეზე.

14.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

14.3. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, მხარეებს უფლება აქვთ შეწყვიტონ ხელშეკრულება.

15. ხელშეკრულების კონტროლი

15.1. ხელშეკრულების შესრულების კონტროლს განახორციელებს საჯარო სკოლა კერძოდ, სკოლის მხრიდან ეთეს ზხოიან.

15.2. შემსყიდველს ან მის წარმომადგენლებს უფლება აქვთ განახორციელონ შესრულებული სამუშაოს კონტროლი.

15.3 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

16. ხელშეკრულების ენა

16.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

17. ხელშეკრულების შეწყვეტა

17.1. ხელშეკრულება შეიძლება შეწყვეტილ იქნეს:

ა) მხარეთა შეთანხმებით.

ბ) საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

17.2. სკოლა, რომელსაც არ ექნება გამართული ტექნიკური აღჭურვილობა, ვერ მიიღებს ტესტირებაში მონაწილეობას;

17.3. იმ შემთხვევაში, თუ ელექტროენერჯის ან/და სხვა რაიმე ტექნიკური პრობლემის არსებობის გამო ვერ ჩატარდება ტესტირება ამ ხელშეკრულების დანართით დადგენილ თარიღებში, ტესტირებისათვის დამატებითი დღე აღარ გამოიყოფა.

18. ხელშეკრულების მოქმედების ვადა

18.1. ხელშეკრულება ძალაშია მისი ხელმოწერის დღიდან მხარეთა მიერ ხელშეკრულებით გათვალისწინებული ვალდებულებების სრულ შესრულებამდე მიმდინარე წლის 31 ივლისამდე.

19. განსაკუთრებული პირობები

19.1. ხელშეკრულება შედგენილია 3 ეგზემპლარად და თითოეულ მათგანს თანაბარი იურიდიული ძალა აქვს.

19.2. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი – „შემსყიდველთან“.

20. მხარეთა რეკვიზიტები

„შემსყიდველი“:

სსიპ - ნინოშვილის პუნქტი წყნეთის

(ზოგადსაგანმანათლებლო დაწესებულება)

სოფ. სპასოვას №2 საჯარო სკოლის

მის:

სოფელი სპასოვას

ს/კ:

236688946

ბანკი:

სს „დიპლომატი ბანკი“

ბ/კ:

LBRTGE22

ანგარიშის №

GE63LB0121165148127000

დირექტორი:

აიკა ჩხობიანი

ადგაძე



„მიმწოდებელი“:

სსიპ – შეფასებისა და გამოცდების ეროვნული ცენტრი

ქ. თბილისი, მინდელის ქ. №9

ს/კ: 202198727

ბანკი: სახელმწიფო ხაზინა

საბანკო კოდი : TRESGE22

ანგარიშის ნომერი: 707627112



დირექტორი:

მაია მიმინოშვილი

მ. მიმინოშვილი